



Reglur um styrki vegna íþróttafreka

1. grein

Grindavíkurbær veitir styrki vegna íþróttafreka sem unnin eru af íþróttafólki með lögheimili í Grindavík. Markmið styrkjanna er:

- Að styrkja íþróttafélög í Grindavík til að halda uppi öfluglu íþróttá, félags- og ungmennastarfi.
- Að veita einstöku afreksfólki, sem keppir fyrir hönd íþróttafélaga í Grindavík sem aðilar eru að Íþróttabandalagi Suðurnesja, viðurkenningu og fjárstuðning til að auðvelda þeim æfingar og þátttöku í mikilvægum keppnum.
- Að styrkja þjálfara, sjálfboðaliða og starfsfólk íþróttafélaga, sem starfar með ungu íþróttafólki, til þess að leita sér aukinnar þekkingar og/eða réttinda með námskeiðum eða annarskonar fræðslu.

2. grein

Frístunda- og menningarnefnd Grindavíkurbæjar skal auglýsa eftir umsóknum um styrki í janúar ár hvert. Umsóknarfrestur er til 15. febrúar. Frístunda- og menningarnefnd tekur umsóknir fyrir á fundum sínum í mars.

Frístunda- og menningarnefnd er jafnframt heimilt að veita styrki og viðurkenningar án umsókna telji nefndin tilefni til og skal þá röstyðja það sérstaklega.

Sviðsstjóra frístunda- og menningarsviðs er heimilt í samráði við formann frístunda- og menningarnefndar að afgreiða umsóknir milli úthlutunarfunda ef umsækjandi uppfyllir augljóslega skilyrði samkvæmt 5., 6. eða 7. grein.

3. grein

Umsóknum skal skila skriflega á þar til gerðu eyðublaði. Þar skal koma skýrt fram um hvers konar styrk er sótt og hvert verkefnið er sem sótt er um styrk til. Tilgreina skal og sundurliða fyrirhugaðan kostnað við verkefnið. Frístunda- og menningarnefnd skal svara öllum umsóknum sem berast.

4. grein

Styrkir eru veittir til eftirfarandi verkefna:

- Landsliðsstyrkir
- Afreksstyrkir
- Þjálfarastyrkir

5. grein

Bæjarstjórn ákveður upphæð styrkja í fjárhagsáætlun ár hvert.

5. grein

Landsliðsstyrkir eru veittir til íþróttafólks sem valið hefur verið í landslið Íslands í sinni íþróttgrein. Styrkurinn er eingöngu veittur til æfinga- og keppnisferða erlendis. Umsækjendur skulu að lágmarki vera á 12. aldursári og að hámarki 25. aldursári.

Landsliðsfólk á rétt á styrk ef það þarf sjálft að greiða hluta af flugfari eða gistingu og/eða ef það hefur orðið fyrir vinnutapi vegna landsliðsverkefna.



6. grein

Afreksstyrkir eru veittir til félaga og/eða einstaklinga sem unnið hafa Íslands-, bikar-, deildar- eða fyrirtækjameistaratitil í meistaraflokki, Jafnframt eru veittir styrkir til félaga sem vinna sig upp um deild í meistaraflokki og vegna Íslandsmeistaratitils í einstaklingsgreinum í flokki fullorðinna.

7. grein

Þjálfarastyrkir eru veittir til þjálfara, sjálfboðaliða og starfsfólk íþróttafélaga, sem starfað hafa með ungu íþróttafólki í Grindavík í að lágmarki 3 ár og stefna að því að gera það áfram, til þess að leita sér aukinnar þekkingar og/eða réttinda með námskeiðum eða annarskonar fræðslu. Styrkirnir eru veittir til einstaklinga eða hópa.

8. grein

Frístanda- og menningarnefnd er heimilt að veita styrki til aðila sem er þjálfari, fararstjóri eða fylgdarmaður, t.d. í þeim tilfellum þar sem viðkomandi þátttakandi er undir 18 ára aldri og þarf á einhvern hátt á aðstoð að halda, t.d. vegna fötlunar.

9. grein

Hver umsækjandi getur alla jafna hlotið styrk tvisvar sinnum á ári. Séu sérstakar ástæður fyrir hendi er frístanda- og menningarnefnd heimilt að úthluta styrkjum til sama styrkþega oft og skal nefndin þá rökstyðja ákvörðun sína sérstaklega.

10. grein

Styrkir vegna íþróttaafreka eru greiddir út þegar umsókn hefur verið afgreidd. Styrkþegi skal skila til sviðsstjóra frístanda- og menningarsviðs staðfestingu á lokum verkefnis og kostnaði við það. Grindavíkurbær getur farið fram á endurgreiðslu sé styrkur ekki nýttur til þess sem fram kemur í umsókn.

11. grein

Allir þeir íþróttamenn sem þiggja styrk úr Afrekssjóði skulu hlíta þeim reglum sem Íþrótt- og Ólympíusamband Íslands setur um lyfjanotkun og lyfjaeftirlit, svo og þeim almennu siða- og agareglum sem gilda um framkomu íþróttamanna innan vallar sem utan. Gerist styrkþegi brotlegur gegn þessum reglum getur stjórn sjóðsins stöðvað greiðslur til styrkþega og jafnvel krafist endurgreiðslu styrksins.

Samþykkt á fundi frístanda- og menningarnefndar Grindavíkurbæjar xx. yyyy 2019

Samþykkt á fundi bæjarráðs Grindavíkur xx. yyyy 2019

Samþykkt á fundi bæjarstjórnar Grindavíkur xx. yyyy 2019